



ქალაქ ფოთის მუნიციპალიტეტის საკრებულო

განკარგულება № 11/49

2021 წლის 31 მარტი

ქალაქი ფოთი

ქალაქ ფოთის მუნიციპალიტეტის საკრებულოს ფრაქცია "ქართული ოცნება-კონსერვატორების", ფრაქცია "ქართული ოცნება-მრეწველების" გაუქმებისა და საკრებულოს შესაბამისი თანამდებობის პირების უფლებამოსილების შეწყვეტის ფაქტის ცნობად მიღების შესახებ

ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის 2021 წლის 30 აგვისტოს №6/1 დასკვნით დადგენილია შემდეგი:

„ქალაქ ფოთის მუნიციპალიტეტის საკრებულოს იურიდიულ, სამანდატო, საპროცედურო საკითხთა და ეთიკის კომისიის დებულების დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 18 ივლისის №1/21 დადგენილებით დამტკიცებული დებულების მე-2 მუხლის პირველი პუნქტის „ვ“ ქვეპუნქტის შესაბამისად, იურიდიულ, სამანდატო, საპროცედურო საკითხთა და ეთიკის კომისია, საკრებულოს უახლოეს სხდომას აცნობებს ფრაქციის გაუქმებისა და ფრაქციის შემადგენლობიდან წევრის გასვლის ფაქტს.

ქალაქ ფოთის მუნიციპალიტეტის საკრებულოს ფრაქცია „ქართული ოცნება-კონსერვატორების“ წევრებმა (ზვიად დგებუაძე, თემურ დუნდუა, თორნიკე კირთაძე, ოლეგი ნაჭუებია) და ფრაქცია "ქართული ოცნება-მრეწველების" წევრმა (დავით ესებუა) 2021 წლის 18 აგვისტოს განცხადებით მიმართეს საკრებულოს და აცნობეს აღნიშნული ფრაქციების დატოვების შესახებ.

საქართველოს ორგანული კანონის „ადგილობრივი თვითმმართველობის კოდექსი“ 30-ე მუხლის მე-4 პუნქტის შესაბამისად, ფრაქციის წევრთა რაოდენობა არ უნდა იყოს 3-ზე ნაკლები.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 35-ე მუხლის მე-14 პუნქტის შესაბამისად, თუ ფრაქციიდან წევრთა გასვლის შედეგად მასში გაერთიანებული დარჩა საკრებულოს 3 წევრზე ნაკლები, ფრაქცია ითვლება გაუქმებულად, რასაც საკრებულოს იურიდიულ, სამანდატო, საპროცედურო საკითხთა და ეთიკის კომისია უახლოეს სხდომაზე აცნობებს საკრებულოს.

ზემოხსენებულ ფრაქციებში, 2021 წლის 18 აგვისტოდან წევრების გასვლის შედეგად დარჩა 3 წევრზე ნაკლები, ამდენად, ფრაქცია "ქართული ოცნება-კონსერვატორების", ფრაქცია "ქართული ოცნება-მრეწველების" 2021 წლის 18 აგვისტოდან ითვლება გაუქმებულად და შესაბამის თანამდებობის პირებს უწყდებათ უფლებამოსილება.

აღნიშნულიდან გამომდინარე:

მუხლი 1.

1. ცნობად იქნას მიღებული საკითხი, 2021 წლის 18 აგვისტოდან, ქალაქ ფოთის მუნიციპალიტეტის საკრებულოს ფრაქცია "ქართული ოცნება-კონსერვატორების", ფრაქცია "ქართული ოცნება-მრეწველების" გაუქმებისა და საკრებულოს შესაბამისი თანამდებობის პირების: ფრაქცია "ქართული ოცნება-კონსერვატორების" თავმჯდომარის, ზვიად დგებუაძის, ფრაქცია "ქართული ოცნება-მრეწველების" თავმჯდომარის, ჯემალ მიგინეიშვილის, ფრაქცია

"ქართული ოცნება-მრეწველების" თავმჯდომარის მოადგილის, დავით ესებუას უფლებამოსილების შეწყვეტის შესახებ.

2.აღნიშნულ განკარგულების შესრულებასთან დაკავშირებით შესაბამისმა პირებმა გაატაროს საქართველოს კანონმდებლობით დადგენილი ღონისმიებები.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

განკარგულება ძალაშია ხელმოწერისთანავე.

საკრებულოს თავმჯდომარის მოვალეობის
შემსრულებელი, თავმჯდომარის მოადგილე

აკაკი დარჯანია

